


忠肅公遺稿



忠肅公遺稿序

余讀商書微子篇及漢書劉向傳嘗以爲讀此
二書而不爲流涕者真無人心者也今見故宗
英龜川君丁巳疏可謂千載而同符者也夫忠
臣與義士見國之將亡無不痛心飲氣思欲扶
持於萬一者此秉彝好德之心自有不能已者
而況爲王室之懿親者哉然前世之制則內宗
與外臣視無異同故其陳力盡忠亦同於外臣
而尤甚焉 本朝則不然禁防甚嚴使於朝
家事不敢一毫相干而公能倡率宗班極言竭

論不避斧鉅鼎鑊此又視古而尤難者矣公雖
遷謫流離九死而不悔 仁廟反正特加二資
而又以爲司饗院提調宗親府有司之任寵賚
便蕃然則公之安危卽 國家之安危也豈不
偉歟公之胤蓬萊君昆仲行修而有文孫司諫
子重掌令子三並以直節見於世豈祖宗鑑佑
有此錫類之盛歟其視劉向之有子駿不可同
年而語矣余與子重諸人遊好甚篤今子重已
矣何處得來遂隕涕而記此書于公遺稿之下
方以貽公之曾孫箕疇云時崇禎著雍涖灘陽

月日恩津宋時烈謹書

自古公子王孫生於豪華類多以裘馬聲色自
喜有游閑富貴之容其能屈首文學修飭行業
者蓋絕少焉若至發憤於宗國之危亾直犯兇
虐如殷王子之死諫極論權奸如劉光祿之忠
精者曠世而無聞焉以余觀於故宗英龜川忠
肅公之抗節昏朝卽古之比干更生抑何以加
焉當光海無道之甚賊臣爲亂謀廢 母后天
常斃絕宗社將亾公與錦山君誠胤悲憤慷慨
奮不顧身倡率諸宗室上疏陳凶邪擅國之罪

其言激烈痛切其心至誠惻怛至今讀之凜然
不覺髮豎而涕隕也雖卽竄配幾死南荒猶能
使姦黨破膽義士增氣 國脉由是而扶樹則
其功豈不壯哉 仁祖反正日月重新大加褒
寵脩享榮祿身名並全家國俱賴其視剗心而
不能存商宗之祀竭忠而不能拯漢祚之移者
其幸不幸又如何哉公之諸子皆翩翩佳公子
孫曾又多忠直孝謹之士於此亦可見公之遺
風餘烈矣始宗室懷義君叅公之疏爲余道伊
時事甚悉余之感歎景仰之日久矣公孫司諫

子重求余一言叙其事未及而子重倏爲泉下
人每思之愴恨今者公之曾孫箕疇撰次年譜
編輯遺文統制使李侯道彬公孫婿也將鋟諸
梓以求其傳觀是編者可以見公忠貞大節有
如皎日無不感發激昂而尤可爲後世貴戚立
身爲善之勸吁其盛矣哉余旣與子重言矣箕
疇甫又來請跋語甚懇義不敢辭遂以平日所
感于心者書以歸之資憲大夫議政府右叅贊
兼同知春秋館事 世子右賓客趙復陽謹書

This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. The paper has a slightly textured appearance with some minor discoloration and a small tear near the top right corner. The page is set against a dark background, possibly the inner cover of the book.

忠肅公年譜

皇明穆宗皇帝隆慶三年

昭敬大王二年

己巳四月十

二日

寅時

公生于貞陵洞第

公生而俊邁頭角嶄然人知其

為遠器

四年庚午

公二歲

五年

六年

神宗皇帝萬曆元年癸酉

公五歲

二年

三年

四年

五年

六年

七年

八年

九年

十年壬午

公十歲

聘于東萊鄭氏

司導寺僉正諱麟壽之女

十一年癸未

公十五歲

例通籍授龜川副正○側

室子烱倫生

十二年

十三年

十四年公十歲 十五年 十六年 十七年

十八年 十九年

二十年壬辰公二十歲 ○四月倭賊入寇奉親

避兵峽中仍赴行在命詣分朝選授宣

傳官公在災慨然謂兄龜城都正曰倉卒未及從君為親故也吾當西入家

事屬之兄遂間行趨朝上嘉之持有是命蓋異數也

二十一年癸巳公二十歲 子炯胤生蓬萊君

二十二年甲午公二十歲 丁母夫人羅州朴氏

憂守制于水原庄舍時當兵火歲且內歉朝夕竭力祭奠以禮 二十

三年

二十四年丙申

公二十
八歲

外除例付職

二十

五年

二十六年

二十七年

二十八

年

二十九年辛丑

公三十
三歲

子烱儁生

早夭

三十

年

三十一年癸卯

公三十
五歲

子烱信生

蓬山君

三十二年甲辰

公三十
六歲

○選授璿源錄修正

卽廳

璿錄經亂散亡命選宗英中有
文望者哀輯修正公與其選

事完

陞明善大夫

三十三年

三十四年

三十五年

三十六年戊申

公四十歲

子炯侖生

蓬州守

三十七年

光海元年

巳酉

公四十歲

三十八年庚戌

公四十歲

子炯儼生

蓬昌守

三十九年辛亥

公四十歲

丁豐山君憂

公執喪毀甚幾

危丙蘇

四十年

四十一年癸丑

公四十歲

制除襲封正義大夫

龜川君

四十二年甲寅

公四十歲

陞中義大夫

用壬辰扈聖

從勲也仍追贈考妣

四十三年乙卯

公四十歲

兼司饗院提調

時光海臨

御已久政亂倫斃幾底危公痛悶宗
社居常奮慨時與友人圍碁語及時事輒
推枰擊手
憤不自勝

四十四年丙辰

公四十歲

側室子炯仲生

○會當

過歲問安公與錦山君誠胤謂諸宗曰吾
等盍往問安於慈殿諸宗皆不從遂止

四十五年丁巳

公四十歲

○正月率諸宗室上

疏請罪爾瞻

時賊臣爾瞻威權日盛謀廢
母后包藏凶惡將危宗社

公慨然謂錦山君曰吾等俱以宗戚義當
與國存亡與其死於奸臣之手曷若為國
家死乎遂決意上章處置家事出居外舍
手搆草本親友見而止之曰疏語太峻必
不免赤族之禍莫若刪去之為得也公奮
然曰不為則已為之則豈怖死而不盡言
乎公庶母又泣而執袂奪筆以沮之公終
不撓乃於初四日率諸宗十九人詣闕

上疏請黜權奸以安宗社次
治三司黨惡之罪○疏見遺稿○承命入

政院回啓

疏上光海答曰朝廷大體非宗
戚諸卿干預之事而乃於調攝

之日瀆擾至此聽何人指喉而為此疏乎
天日在上其直指以對公遂獨入政院辭
氣益厲手書回啓以進其末至有若拿問
則當陳未盡所懷如一層之語光海答曰
由予不德逆變累起而卿等未嘗陳一疏
討一賊掇拾尹善道李洞等緒餘誣陷共
安危之重臣卿等同休戚忘死○被兩司
生之義果如是乎○啓見遺稿○

啓請絕島圍籬安置四月始命遠竄定配

于順天

時爾瞻出東大門外待罪凶徒承
望風旨並請公及錦山君絕島圍

籬安置光海命公遠竄蓋以王室近屬減
其律也以是月初四日定配于順天金吾
即韓孝謙問公忠直被罪為緩行李公笑
曰嚴譴之下何敢遲回即日就道○有出

城二絕

四十六年戊午

公五歲

構望北亭於配所

公始到順

天寓城南燕子橋一里許至是移寓城北
大來谷府素号瘴鄉多土疾而公處之晏

如惟以詩酒自娛構一草屋名曰望北手
創起文蓋取戀君之意也○記見遺稿○

嘗作歌辞五闕以寓憂國慷慨
之意其地士女至今傳誦云

四十七

年

四十八年

光宗皇帝庚申

公五十二歲

○邁瘴毒

久而少瘳

公傷於瘴毒病極幾殊而迨然
不動曰死生有命雖死何怨一

以付之於天而已公敝逐之後爾瞻益肆
其凶屢興大獄人皆重足日夜切齒於公

時西官有投書之變有曰山川已矣元海
終成所謂山川蓋指公與錦山云○李公

公特慕公忠節嘗贈一詩有曰癡欲奮身

挽落日狂思出手障奔流其相許如此至

於府之愚氓賤隸莫不敬爰時以酒有米

熹宗皇帝天啓元年辛酉公五十歲○六月蒙宥

西還公屏居于西郊二年

三年仁祖大癸亥公五十歲○三月仁祖大

王反正首復公官爵特加二資以褒之兼

司饗院提調宗親府有司堂上時爾瞻懷

使其子元燁圖守順天謂公得順府人

四年甲子公五十歲○正月李适反扈駕于

公州

先是公望見賊迨於周行語人曰迨相凶必不善終及反扈駕隨行復

語人曰迨本凶象不久當就戮已而果然人服其先見

○三月回

鑾命陞嘉德大夫

上命招扈從宗戚於禁中錫宴公為班首上

用家人禮親自執爵不名公稱以族長且謂曰宗班之事專委於卿常加倚重賞賚

便蕃寵幸無二

五年乙丑

公五十歲

側室子烱佐生 六年

七年丁卯

公五十歲

○正月虜入寇扈駕于

江都

公執勒扈行上命召諸宗下詢戰守和三策公對曰以目今形勢觀之

則姑用羈縻之計以安宗社似乎可矣上然之

○四月回鑾特

賜內厩馬兼五衛都總府都總管

自是眷顧益隆

側室子烱佑生

毅宗皇帝崇禎元年戊辰公六十一歲側室子烱健生

二年巳巳公六十一歲○穆陵遷葬差代奠官病

辭特賜虎皮三年

四年辛未公六十三歲側室子烱伋生

五年壬申公六十四歲上疏辭免司饗院提調

不許六年七年

八年乙亥公六十七歲○仁烈王后昇遐差塤

殿官○夫人鄭氏卒

九年丙子公六十八歲○十二月虜復入寇扈

駕至南漢山城被中使所誤不得已避兵

轉向先壠下仍下湖南

時虜騎猝追公策羸到南漢水路險

艱扶上之際適逢中官聞上移向江都前驅已出乃還下城跪候旋聞大駕未

寧還宮即又上城水滑馬仆重致落傷疾塞僅蕪已而賊騎傳城竟不得入勢不獲

已欲入江都行到南陽遇賊僅脫轉輾南下湖南

十年丁丑

公六十歲

○二月奔問還都上疏待

罪且辭免兼帶

不許

上在南漢時有誤傳公被執者上

聞而驚歎曰以予故至此下城日問于賊將使之求於陳中可見聖眷之隆也公

乱定後即為奔問上○陞昭德大夫

用乙

勞也

十二月哭李子蓬昌守烱嚴

十一年戊寅

公七十歲

○上疏辭免兼帶

不許

十二年

十三年

十四年

十五年

十六年

十七年

十八年甲申

公七十歲

○二月上疏辭免兼帶

久之只

許邇司饗院提調

公在視膳之地合二十年

不解供奉之誠廉簡自持人皆稱之下吏畏服感化其德久益追思之云

十九年乙酉

公七十歲

○三月哭長子蓬萊君

烱胤○十一月二十一日卒于南小門洞

第訃

聞

上震悼輟朝二日

贈顯祿

大夫

公素多疾病自哭蓬萊君氣力日敗以至於此卒之日聞者皆曰善人

矣宗戚諸卿皆會哭 王子大君至於備
衣服以禭之司饗宗親兩府下吏莫不齋

咨涕洟奔
走哭奠焉

二十年丙戌正月十八日 禮窆于廣州樂

生里先塋負辛之原 上遣禮官致祭

三十一年戊戌立墓碣

慎獨齋金先生集撰
同春堂宋先生浚吉

書

三十九年丙午

贈謚忠肅公

臨亂不屈曰
忠執德不回

曰肅時公孫厘知洪陽縣行延謚
禮吏曹佐郎洪萬容奉命來宣

四十一年戊申

年譜之作非得已也蓋慮 先祖言行

之實未彰而後裔傳說之或訛也於是
謹以平昔所聞於諸父兄之言裒輯事
跡考次年月以致其詳其例則畧倣宋
文公年譜蓋不敢苟焉爾茲以附諸遺
稿卷端而至於誄狀誌碣亦錄于卷末
以爲參考之地區區編述之意盡於是
矣凡我同宗尚宜無忽以能率遵 祖
行則豈非幸哉是爲識崇禎紀元之四
十一年戊申二月二十三日不肖曾孫

箕疇謹識

忠肅公年譜終

忠肅公遺稿目錄

詩

赴順天出城作

二

途中

丁丑亂後還都有感

恨身不完

入齋 肅寧殿述懷

疏

論李爾瞻疏

辭免司饗提調疏

丁丑亂後待罪仍辭免兼帶疏

辭免兼帶疏

二

三

請勿減膳疏

復辭免兼帶疏

二

三

記

望北亭記

附錄

祭文

謚狀

碣銘

誌銘

忠肅公遺稿

詩

赴順天出城作

爲國丹心白

一作懸

日明孤臣一死等

一作似

毛輕

封章只欲扶

宗社肯恨今朝瘴海行

又

今承恩譴莫非天豈恨關河路八千回首鳳

城雲樹隔孤臣戀主淚如泉

途中

草綠長程匹馬遲淒涼行色趁佳時雲橫南嶺

家何在憶子天涯涕泗離

丁丑亂後還都有感

恨吾微命苦何長觸物傷心淚自洩花柳依然
帶舊色城空烟斷怨蒼蒼

恨身不完

鍼灸斑痕遍滿身此身長恨未全人非由療疾
豈如是傷毀遺膚不孝親

入齋 肅寧殿述懷

三秋已邁晚楓殘禁掖清齋夜氣寒白首世間
無興味含愁獨倚玉欄干

疏

論李爾瞻疏

丁巳正月

伏以臣等俱以宗戚之臣其於朝著間事有同
聾瞽百不知一而間或粗聞一二其害之不至
於宗社之危亾則非臣等所敢言也至於是
非得失有大關於宗社危亾則臣等皆是國
存與存國亾與亾之人安得坐視宗社之危
亾而畏禍含默若越人視秦人之肥瘠乎近年
以來禮曹判書李爾瞻姦回邪毒偏愎狡詐廣
植私黨屏黜忠良擅弄國柄威權日盛附已者

雖頑鈍無耻言行悖理者必引而進之異已者
雖經明行修爲世所重者必斥而退之勢焰薰
天道路以目忠良結舌而縮頸邪佞攘臂而雲
集大小朝臣雖有不附於其勢者若終始不謁
於其門則鮮能保全故夜則仰屋長歎而晝則
婢膝於其門如歸市焉至於同惡之人或有一
事小乖於其心則百計陰中必斥然後乃已人
之愛君不如愛身誰肯忘死生觸勢焰爲 殿
下發一言乎是以爾瞻之威日盛於下 殿下
之勢日孤於上危亡之禍迫在朝夕而 殿下

無從而得知也縱有忠良義士發憤慷慨欲陳
如此情狀而言發於口大禍立至徒死無益故
至於父子兄弟同在一房之中言及於爾瞻則
掩口揮手以滅族爲誠嗚呼國勢如此豈非大
可憂者草野臣尹善道慷慨抗章敢言人所不
敢言之事雖宋之胡銓何以加此政院先發三
司繼起四學泮宮同聲相應一則曰黨逆一則
曰陷賢所謂逆者逆於 殿下耶逆於爾瞻耶
其所謂賢者果誰耶若以攻渠之言指以爲逆
則無君之心至此著矣嗚呼擅弄威福人臣之

極惡大罪此名一加於其身爲爾瞻者所當席
藁飲水以俟斧鉞之不暇而偃然在家益肆其
毒招集三司指麾館學少無顧忌自贊其身至
比裴度韓琦嗚呼爾瞻則已矣三司 殿下之
耳目館學公論之所在而同惡相濟稱譽爾瞻
無所不至未知今日之三司 殿下之三司乎
爾瞻之三司乎國柄已歸於爾瞻據此可知昔
在王莽之倒持太阿也張禹孔光杜歆谷永之
徒相與贊成上書頌莽者多至五十八萬餘人
奸臣擅國威權下移諂佞成風古今一揆不可

以贊譽之多謂之公論章章明矣奈何三司館
學反斥直言之人稱譽奸邪爾瞻至於此極若
此不已後日之禍恐難測也伏願 殿下垂察
焉夫人君聽言之道言可用則用之言不可用
則置之言者所論若以不合於時議而便斥之
甚治之深則奸邪之當國所進之言必皆諂諛
之辭而忠直之論無從而至矣語曰大奸似忠
大詐似信 殿下之眷倚爾瞻而無疑者無乃
聰明有所蔽耶今之求爾瞻者謂之討逆之臣
討逆天下之大義古今之常經 殿下之朝臣

誰無討逆之心孰非討逆之人乎設使有人於
此朝有可記之功而夕犯難宥之罪則謂之有
功而不治其罪可乎爾瞻之奸邪如此擅弄國
柄如此國勢之危急如此人心之憤鬱如此而
無害於宗社者臣等未之聞也嗚呼爾瞻構
成虛言斥黜異已科舉美爵收合人心趨勢嗜
利之輩布滿要津識者之寒心庸有極乎噫征
利之極必至於不奪不饜患失之心必至於弑
父與君聖人先事之戒嚴且切矣殿下以善
道之事收議於大臣者欲知其物議之如何而

領議政竒自獻怵於凶焰稱病不議右議政韓
孝純亦畏其勢氣乏語涉畧陳言路數字而三
司攻擊不遺餘力忘君護黨一何至此乎嗚呼
閭井之間愚夫愚婦莫不扼腕痛心而惟 殿
下深居九重尚不及知矣今者善道之跡一陳
於 冕旒之下而爾瞻擅弄之罪 聖鑑必已
洞燭而猶不能乾斷屏出則他日之憂恐有甚
於今日也宋臣司馬光曰人主之於臣患在不
知其奸苟或知之而復赦則不若不知之爲愈
也何以言之彼或爲奸而上不知之猶有所畏

既知而不能討彼知其不足畏也則放縱而無
所忌矣是故知善而不能用知惡而不能去此
人主之深戒也臣等以爲光之此言正爲今日
發也臣等與爾瞻本無離怨且無爭權傾軋之
事彼雖得志於臣等有何害焉彼雖失勢於臣
等有何利焉而但臣等俱以同休戚之臣坐視
宗社之危亾而不達所懷則宗子維城之義安
在臣等固知朝進此疏夕被三司之論請罪有
甚於善道忠憤所激言不知裁伏乞 殿下亟
黜權奸以安 宗社次治三司黨惡之罪 宗

社幸甚臣民幸甚

叅䟽十九人

忠肅公

德仁

懷恩君

星山令

錦山君

春溪都正

宜山令

錦溪君

綾城都正

錦林令後陞君

琅城君

金陵正

宣城君

富林守

錦平君

昌林守後陞君

懷義君

甄城守

德原君

宗林令

入政院回啓

啓曰愚臣只以職次雖爲疏頭本非臣獨擅陳
疏之事第近日以來大小言者無不被罪言路
一塞則國家危亾之禍迫在朝夕誰敢忘死
生發一言乎禮曹判書李爾瞻擅弄威福之狀
如疏所陳而惟我同宗皆曰若於此時不言而
與其死於無益之地曷若死於聖明之下咸
以此意不謀同辭忘禍福陳疏而嚴旨至此
臣不勝惶恐隕越之至臣等若聽人指嗾如是
陳疏則非但陷身於不測而豈敢誣聖明也

天日在上天威咫尺臣等受喉如是則同休戚
忘死生之義安在哉臣等若拿問則當盡未盡
所懷加一層矣今承峻教臣魂飛魄喪更不
知所達

辭免司饗提調疏

伏以臣犬馬之齒已迫七十衰老已劇加以曾
傷於異鄉風土痰喘爲祟纏入膏肓行步起居
動輒氣塞又自癸亥五月右耳刺痛惡膿長出
十年于茲尚未見瘳以此耳聾極重有同木偶
人其何以立於人世間乎況臣所兼司饗提調

職主內廚爲任極重如非剛明風力之人何以
行號令於怠慢各司乎如臣庸駑者不敢承當
明矣臣曾將不堪之意累陳於宸嚴之下而
未蒙 允邇一以感 聖恩一以懼煩瀆之嫌
不敢每達黽勉從仕以至於今而臣近日来患
疴十數度痢疾兼發幾至死域幸而復甦軀殼
雖存元氣大敗喘息如縷旬月之內決難調出
而今者 兩殿及 魂殿監膳彼此奔走年少
氣強者尚且難堪如臣老病其何以支堪耶僚
員有故臣病適如此只餘豐海君潛循環監膳

致有偏受之苦尤極未安賤疾差復未易爲期
伏乞 聖慈俯察微臣病苦難堪悶迫之狀亟
遞提調之任俾專調治則生死而父母也私情
所迫敢此瀆擾於哀疚之日臣罪萬殞不勝惶
恐戰灼之至

丁丑亂後待罪仍辭免兼帶疏

伏以臣受 國厚恩尋常感戴而遭此前古所
無之變亂垂死之年豈敢惜死臨亂負國以生
偷生之計乎臣差肅寧殿八番之列臣之愚意
扈駕以行亦兼八番當 大駕去邠之日隨駕

到南大門事機蒼黃自 上回鑾向南漢臣常
時以老病不爲乘馬之故不備所騎急遽之間
乘出疲殘卜馬追到城下夜深昏黑慮其城門
旣閉與卞三近城楚客等同宿城下村家翌曉
上城幾半適逢內侍則曰自 上方向江都前
射隊已出云臣還下城底待候日晚絕無消息
更爲探問則 大駕出南門未寧還宮云臣旋
卽上城雪後冰路人多紛躡上下之人無不足
滑顛蹶臣所乘馬無鐵亦爲顛仆仍致落傷欲
爲步上則痰塞喘急寸步莫致不得已還下人

家而臣之先墳相距三十里許所率只兩奴一
奴走送墳山年少女四五名使之率來以爲擔
上之計留待之際張判書維家屬亦寓比隣十
五日昏夕司饗院陪吏奔走来告清兵已逼元
居土人及張判書家屬盡皆避出云臣亦遑忙
避往十五里許元座首稱名人家小頃脫冠二
人逃來而言曰爲清兵所逐三度被射僅以身
免云臣驚遑同措步上後山屢次顛蹶痰上氣
塞不省人事適會所招奴一名來到幸得負上
山頂僵卧雪上北風凜冽自分凍死奴子言曰

熟諳山城之路西北邊則元是險危東南則路
稍平易云牽扶前進天黑失道徹夜徊徨還到
本處將至向曙恐爲兵鋒所害臣亦慮肅寧殿
八番諸僚皆已陪往臣獨落後旣不得入城寧
往江都不得已退往先墳下而臣子烱胤烱信
等徒步追往旣入山城則臣未入城故十六日
自山城還出跟到相逢十七日向江都行到果
川則士女向江都者塞路而來皆言清兵將迫
流漸未易得渡云臣又不得已轉向水原因社
稷令閔祈家奴自江都出來探問江都之路十

二月二十六日又向江都行到南陽求叱浦得
聞清兵四出搶掠以此不能得達臣之彼此不
及彷徨道路狼狽顛頓之狀衆所共知天日之
下豈敢飾詐欺罔 天聽乎自此之後清兵充
斥輾轉避兵於湖南海徼晚聞 世子大君北
行爲臣子所不忍聞仰天痛哭欲死而不得也
臣奔竄之中風餐露宿以致類中左邊不仁手
足不得運用廢食飢餒氣息萎蕩登途之後寸
寸前進臣既有臨亂負國之罪又不能趣時奔
問臣子分義掃地盡矣臣之前後罪戾萬死無

惜而 聖慈寬假特以老病而容貸臣尤不勝
惶恐感泣之至臣之病勢已到十分地頭萬無
供仕之望臣所帶司饗院提調視膳重地肅寧
殿祭享八番俱爲久曠尤極未安宗親府有司
堂上等任並令遞改亟治臣罪以明君臣大義
不勝幸甚臣無任惶恐殞越之至

辭免兼帶疏

伏以臣遭遇聖明偏被異數累加寵秩猥躋一
品恒切感激圖報無路只願奔走職事欲效萬
一而不幸重得土疾痰喘沉痾老而轉劇行步

之際氣急窒塞由此不能進步山城且緣馬疲
顛蹶重致落傷竟不得扈 駕臨亂負君罪戾

山積俯仰反躬若隕淵谷方在席藁惶蹙之中
適值勅使之來不敢發言老病之狀悶默隨行
僅免顛仆豈不私幸也臣犬馬之齒今已七十
精神筋力已至衰敗加以五六年來家禍極慘
連喪三婦又遭妻喪頃又哭末子心魂俱失喪
亂添傷遇事昏昧前忘後失顛倒謬妄日加月
增顛沛之際累度落傷左遑不仁行步須人耳
聾倍前不通言語有同木偶人如此而其可以

察所任乎雖欲貪戀 恩寵強顏行公其於筋
力不逮何以此裏病決無從仕之勢況且年七
十則 朝廷有致仕之典宗室有任意從仕之
規此是 國家之盛意也伏願 聖明察臣情
事憐臣衰朽亟命遞改司饗院提調宗親府有
司之任使之就閒調治以保餘生不勝祈懇之
至臣無任惶恐隕越

第二疏

伏以臣伏承 聖批溫諭丁寧出於尋常萬萬
臣非木石豈無感激之心繼之以淚但以退休

似非其時爲 教惶恐震慄措躬無地臣冒忝
崇班天恩罔極報荅無路常以爲恨當此 國
家危急之日休戚是同兼帶雖遞職名尚在豈
敢托言疾病出外投閒以圖自便之計哉臣年
已七十精神昏妄氣力衰敗前頭必有清差接
見之禮以臣痼疾萬無支減察任之勢 聖鑑
旣已洞燭今不必煩瀆而百爾思之必有公私
狼狽之患莫如預爲自處之爲愈故冒死自列
而 聖教如此惶感俱極罔知攸措伏願 聖
明天地父母愍臣衰敗諒臣情事亟 乞前請

命遞兼帶兩任以安愚分不勝幸甚

第三疏

伏以臣昨承 聖批溫諭丁寧感淚先零罔知
攸措第臣衰朽已極形骸雖存心神俱亡遇事
茫昧舉措失宜 御膳重地決難堪任之狀已
盡陳達誠非虛讓實出惓惓況於耄年之叨非
分之職百爾思之萬無仍帶之望不避煩瀆更
申危懇伏願 聖明俯察至懇亟遞臣兼帶兩
任以便公私不勝幸甚

請勿減膳疏

辛巳年

伏以子之事親臣之事君其奉養之誠無所不
至則朝夕所供之膳不可一日無者 御供之
減出於 上則猶可也出於下則不可臣先臣
以獨子有七十三歲老母任亂之日不得 扈
從八月追入義州則司饗提調卽還除授臣常
在傍其時事無不細知濟州及下三道 進上
以船路封進他道亦以林藪得達陸續封進陪
持人 先王至於除職而送臣子享上之誠誠
如是也倭寇遍滿一國之時固如此過丙子今
幾年而尚未復常膳臣待罪厨院之任目見

御膳之薄路尋常未安矣適當供上生鮮復設
之日該曹以甲子 大殿減三尾 中殿減一
尾以此來九月初一日爲始捧之事移文來到
自丁卯以後至丙子亂前 大殿六尾 中殿
三尾捧八之事臣明白記憶飯監及一院下人
無不的知至於下問政院而宣惠廳丁卯以後
兩殿一日所進九尾之價給之云則 大殿六
尾 中殿三尾之事亦明白現出而莫重 御
供無八啓寔奪之舉名爲復設而朦朧還減尾
數抑未知何意耶外方朔膳減之已久而亦未

復設允極未安老安之臣徒切愛君之誠不避
謗言之來甘受媚悅之誚慨然進剖伏願 聖
明垂察焉勿爲過謙以存 先王定式不勝幸
甚

復辭免兼帶疏

甲申
二月

伏以臣兼帶司饗院提調不能堪任之意自前
累陳於乞免之章而非惟不許遞改 溫旨反
降臣不勝感激 聖恩貪戀榮寵黽勉到今而
臣犬馬之齒已入八十之境精神筋力旣極耗
盡前忘後失行事顛錯加以眼暗視物朦朧供

上精麓未能卞解土疾之痰日益沉痾動輒上
塞脚力疲軟行步不能自致如此苟帶雖欲從
他笑罵廉耻所在其何敢強顏行公乎伏願
聖慈天地父母體念臣之情私亟遘司饗院提
調宗親府有司之任俾保餘生不勝懇祝之至

第二疏

伏以臣曾將土疾沈痾兼帶司饗院提調難堪
之狀累陳於冕旒之下非惟不遘反下優容
之教臣誠感激罔知收措貪戀恩寵黽勉于
茲第臣年迫八十精神氣力衰敗已極脚力疲

軟不能運步自闕門至本院前扶後擁艱難
得到呼吸窒塞有若命盡者然移時乃蘇若遇
寒節則痰喘尤苦一身掉戰手足尤甚厥冷自
數年以來亦不得任意進叅於問安之列人臣
分義掃地盡矣常負罪戾而病勢如此視膳重
地其何以冒居乎伏願聖明天地父母俯諒
臣之老病危迫之懇亟遽臣司饗院提調宗親
府有司之任俾保餘喘以安愚分不勝幸甚

第三疏

伏以臣伏承

聖批以調理察任爲教臣感淚

先零罔知攸處臣之疾病非調理之所痊可日
加月增只竢入地之日而已監膳重地不仕未
安欲進難起狼狽悶默茲不得已仰瀆宸嚴
而未蒙 允許反承 溫旨臣是何人前後
恩眷至此之極耶瞻望 魏闕涕泗交頤若非
老病難堪之勢則末裔宗戚難得之職豈敢虛
辭固讓以負我 聖明哉伏願 聖明俯燭微
懇亟遣臣司饗院提調宗親府有司之任不勝
懇祈之至

記

望北亭記

萬曆丁巳春正月余以言獲罪謫到順天府寓城南燕子橋一里許此地俗淳人朴沃野無垠水田多而旱田少粟極貴而稻常賤民皆玉食而珍果美魚亦多產出遇新物而來與者上下相續實有哀王孫之意而抑亦忠厚之風也越明年移寓于城北里名大來谷手搆草屋數間而居焉後有老樹偃立百丈陰覆一隣飄風自至六月生涼不知蒸鬱之苦前有一帶長川遠流澄澈或觀魚躍或觀鷗鷺沐髮而濯纓紫鰕

銀唇舉網得之此真客中消遣之滋味也麥飯
療飢不巾不帶逍遙臺上賴短筇之扶病海門
烟柳眼界通濶舉頭一望肯襟豁然左右三面
層峯疊嶂逶迤周匝如畫屏山蕨野蔬相半海
味誠可謂江南勝地也澤畔行吟日月易邁漁
父歎形容之憔悴臨軒觀流不舍晝夜夫子之
興感不能無焉身滯殊方兼此佳致有揚州之
樂而抑亦無思鄉之心歟噫愛君憂國之念豈
以身在荒裔而一刻忘于懷也自南遷北固非
耽清川林亭之趣區區望北之誠自切于中而

進一步之故也堂名曰陞北者正謂此而記焉

忠肅公遺稿終

忠肅公遺稿附錄

祭文

維丙戌正月初一日巳酉朔二十六日甲戌

國王遣臣禮曹正郎李純黿諭祭于龜川君晬
之靈惟靈弱不好弄長益知謙抑抑風儀宗班
所欽曩在時昏封章抗奸遷謫非卹位仆名尊
肆予踐祚恩禮優渥愛其淳潔倍此骨肉湖路
艱難江都羈勒禮異臣隣義同休戚履險若易
勞重報輕福祿豈適操守愈貞二十三年恭謹
小心踰七望八齡非不深如何不憇典形遽頽

矧予不幸連遭戚良義昌才逝公又云亾邦其
殄瘁予懷之傷天祚先王子孫振振百世一
家庸有疏親誰無老成莫如同姓玄宅旣卜輶
車且整崇終考禮隱卒從情茲陳薄奠冀歆予
誠

維有明二百七十有九年丙戌正月十一日已
未外從孫安東權認謹以薄奠敬酹于

外叔祖昭德大夫龜川君府君之靈惟公王室
譽髦矜式公族爾瞻恣睢倡奮呌闕炎海多年
名高大東聖主中興幽黜明升扈聖于狩

子弟相踵 王用嘉乃寵渥恩隆位齊三孤壽
至耄頤天年告終遐邇齊咨惟余之生未及外
翁五歲喪母視公猶祖喪亂流離終貧且窶十
載一拜永隔泉路形色本空誠不容偽余懷曷
極一酌而止嗚呼哀哉尚饗

諡狀

曩在昏朝宗英中有特立抗疏樹大節者曰龜
川君諱晬字明遠 國姓祖諱岐 中宗大王
第七男德陽君考諱宗麟 贈顯祿大夫豐山
君兼五衛都總府都總管妣羅州朴氏錦原縣

夫人 贈郡夫人 國舅錦城府院君諱墉之

孫廣州牧使諱諫之女公生隆慶己巳容姿秀
出美鬚髯器宇卓犖有大節十五例授龜川副
正壬辰之亂扶將父母轉入災中慨然謂凡龜
城都正曰有親在倉卒之際未及扈 駕今吾

當西入家事屬諸兄遂間行趨 行在命詣世
子分朝選授宣傳官異數也甲午居內憂于水
原地新刳兵歲且歉而朝夕竭力祭奠以禮瘞
源錄經亂散逸 宣廟命選宗室之有文者裒
輯修正公與焉告完特加一資辛亥丁外艱毀

甚幾殊癸丑服已陞封正義二品君例也甲寅
加一資以扈聖從勲也乙卯兼司饗院提調
賊臣爾瞻擅弄威福屏黜忠良公痛奸回之誤
國悶宗社之將亾居常奮慨或與友人圍碁
語及時事輒推枰扼腕憤不自勝丁巳與錦山
君誠胤相議曰吾等俱以宗戚與國家存亾
與其死於奸臣之手曷若死於國家之事遂
亢然決意處置家事出居外舍手構疏草示諸
親友其友止之曰疏語大激必不免赤族之禍
莫若刪厥峻語之爲得中也公奮然曰不爲則

已爲則豈怖死而不盡言乎公庶母又泣而執
袂奪筆以沮之公不撓是年正月四日與宗室
十九人詣闕中抗疏其畧曰臣等俱以疏宗戚
之臣其於朝著間事有同聳聳百不知一而間
或粗聞一二其害之不至於宗社之危亡者
則非臣等所敢言也至於得失爲有大闕於
宗社危亡則臣等皆是國存與存國亡與
亡之人安得坐見宗社之危亡而畏禍含默
若越人視秦人之肥瘠乎近年以來禮曹判書
李爾瞻奸回邪毒偏愎狡詐廣植私黨屏斥忠

良擅弄 國柄威權日盛附已者雖頑鈍無耻
言行悖理者必引而進之異已者雖經明行修
爲世所重者必斥而退之勢焰薰天道路以目
忠良結舌而縮頸奸佞攘臂而雲集大小朝臣
若終始不謁於其門則鮮能保全故夜則仰屋
長歎而晝則婢膝於其門如歸市焉或有同惡
之人少忤其心則百計陰中必斥然後乃已人
之愛君不如愛身誰肯忘死生觸勢焰爲 殿
下發一言乎是以爾瞻之威日盛於下 殿下
之勢日孤於上危亡之禍迫在朝夕而 殿下

無從而得知也縱有忠良義士發憤慷慨欲陳
如此情狀而言發於口大禍立至徒死無益故
父子兄弟同在一房之中言及爾瞻則掩口揮
手以滅族爲戒嗚呼擅弄威福人臣之極惡大
罪此名一加於其身則爲爾瞻者所當席藁飲
水以俟斧鉞之不暇而偃然在家益肆其毒招
集三司指揮館學少無顧忌自贊其身至比裴
度韓琦嗚呼爾瞻則已矣三司 殿下之耳目
館學公論之所存而同惡相濟稱譽爾瞻無所
不至未知今日之三司 殿下之三司乎爾瞻

之三司乎 國柄已歸於爾瞻據此可知昔在
王莽之倒持太阿也張禹孔光杜歆谷永之徒
相與贊成上書頌莽者多至五十八萬餘人奸
臣專國威權下移諂佞成風古今一揆不可以贊
譽之多謂之公論章章明矣三司館學反斥直
言之人稱譽奸邪爾瞻至於此極若此不已後
日之禍恐難測也伏願 殿下垂察焉夫人君
聽言之道言可用則用之言不可用則置之言
者所論若以不合於時議而便斥之甚治之深
則姦邪所進之言必皆諂諛之辭而忠直之論

無從而至矣語曰大奸似忠大詐似信 殿下
之眷倚爾瞻而不疑者無乃聰明有所蔽耶爾
瞻之奸邪如此擅弄 國柄如此 國勢之危
急如此人心之憤鬱如此而無害於 宗社者
臣未之聞也嗚呼爾瞻構成虛言斥黜異已科
舉美爵以收人心趨勢嗜利之輩布滿要津識
者之寒心庸有極乎噫征利之極必至於不奪
不厭患失之心必至於弑父與君聖人先事之
戒嚴且切矣宋臣司馬光曰人主之於臣患在
不知其奸苟或知之而復赦則不若不知之爲

愈也何以言之彼或爲奸而上不知之則猶有
所畏旣知而不能討彼知其不足畏也放縱而
無所忌矣是故知善而不能用知惡而不能去
此人主之深戒也臣等以爲光之此言正爲今
日戒也臣等與爾瞻本無讎怨且無爭權傾軋
之事彼雖得志於臣等有何害焉彼雖失勢於
臣等有何利焉而但臣等俱以同休戚之臣坐
視宗社之危亾而不達所懷則宗子維城之
義安在臣等固知朝進此疏夕被三司之論而
忠憤所激言不知裁伏乞 殿下亟黜權奸以

安 宗社次治三司黨惡之罪 宗社幸甚臣

民幸甚荅曰䟽事具悉但朝廷大體非宗戚諸卿干預之事而乃於調攝之日瀆擾至此聽何人之指嗾而爲此䟽乎天日在上其直指以對公以䟽頭獨入政院對曰伏見近日以來大小言者無不被罪言路一塞則 國家危亾之禍迫在目前誰敢忘死生菽一言乎禮曹判書李爾瞻擅弄威福之狀如䟽所陳而惟我同宗皆曰若於此時不言與其死於無益之地曷若死於 聖明之下咸以此意不謀同辭忘禍福陳

疏而嚴旨如此臣不勝惶恐若聽人指嗾如是
陳疏則非但陷臣於不測豈敢誣 聖明也天
日在上天威咫尺臣等受嗾如是則同休戚忘
死生之義安在哉若拿問則當盡未盡所懷加
一層矣今承峻教魂飛魄喪更不知所達荅曰
由予不德逆變累起而卿等未嘗陳一疏討一
賊掇拾尹善道李洞等緒餘誣陷共安危之重
臣卿等同休戚忘死生之義果如是乎勿爲更
瀆翌日兩司避嫌搆捏公與錦山君等辭意極
其凶慘至謂以宗室中有才望締結矢志之輩

倡率同志試上一疏必欲先去討逆之臣次除
三司抗論之人將欲何爲 宗社存亡士類死
生迫在呼吸云云弘文館亦陳劄辭意大同姜
璘任性之黃德符趙裕善等處置兩司之語尤
極陰慘兩司出而合啓構誣之言無所不至請
公與錦山君絕島安置叅疏錦溪君以下削奪
官爵依啓而公則使之中道自願付處時爾瞻
待罪於東大門外遣禮曹正郎蔡謙吉敦諭有
幼學李光啓者上䟽請公等正刑直擬公以逆
律有曰臨海之獄某三出逆奴之招其時大臣

容庇得保又曰金悌南之死某與錦山君共在
廷請之列相視泣下滿庭觀者咸以爲恠又曰
去十二月三十日過歲問安時某與錦山君共
謂諸宗曰文武二品皆問安於 慈殿吾等盍
亦問安他宗室荅云王子亦不爲君何創開乎
云云其他據據之語甚多至是兩司合啓請公
園籬安置弘文館姜璘任性之鄭遵柳淪柳韓
黃德符朴宗冑等連劄請定罪不聽兩司又以
公所對中加一層之說凶慘不測所當拿問後
處置而直請園置有若防其口之意引避旣合

啓請拿問得情不許拿卽遠竄以是年四月四
日定配順天金吾卽韓孝謙閔公之以忠貞被
譴爲緩行色公夷然而笑曰嚴譴之下何敢遲
回卽日就道口占二絕曰爲國丹心白日明孤
臣一死等毛輕封章直欲扶宗社肯恨今朝
瘴海行今承恩譴莫非天豈恨關河路八千
回首鳳城雲樹隔孤臣戀主淚如泉旣到配所
瘴濕之鄉素多土疾而處之晏如惟以詩酒自
娛構一間草堂扁以望北爲之記以寓戀闕之
意嘗作歌詞其辭蓋出於慷慨憂國士女傳誦

至今歌之云是時李尚書晬光知府遇之盡誠
禮康公復誠交龜亦甚景慕而款接贈詩其一
聯曰癡欲奮身挽落日狂思出手障奔流其許
與之深此雖愚氓賤隸皆知敬慕時以珍羞進
之居久中瘴病劇幾殊而迢然不動曰死生有
命雖死何怨公被逐之後爾瞻凶焰益張屢興
大獄人皆重足日夜切齒於公時西官有投書
之變其言陰秘蓋斥公與錦山其禍心未已云
辛酉六月放還屏居西郊別墅絕游謝事壬戌
爾瞻子元燁亦出順天府蓋爾瞻之陰計也倣

出蜚語謂公得順邑人之心將驅八於不測之地而會值 反正未售焉靖 社初首復公爵加二資以寵之兼司饗院提調宗親府有司堂上奉職恪謹廉簡自持饗人心悅吏胥畏服久而追思之甲子賊适反扈 駕之公州先是公適見适於周行語人曰适相凶必不善終及聞反又保其不久就誅果驗人服其先見之明還都後償勞又進一階秩從一品 上招進扈從宗戚於禁中錫宴公爲班首 上用家人禮親自執爵不名公稱以族長且謂曰宗班之事

專委於卿常加倚重賞賚便蕃寵幸無二丁卯
之難 車駕幸江都公執勒以從之 命召諸

宗下詢戰守和三策公對曰以目今形勢觀之
則姑用羈縻之計以安 宗社似乎可矣 上

然之 回鑾之後眷顧益隆特賜內厩馬兼五

衛都總府都總管已巳 穆陵遷葬時以公爲

代奠官病辭特賜虎皮乙亥 仁烈王后登遐

命選魂殿官凡六員公爲首辛未公與王子義

昌君相議重修宗親府旣訖遂與王子駙馬諸

宗會宴以落之特賜一等樂遣中使宣醕翌日

率諸宗進謝箋丙子冬十二月敵鋒猝迫公策
羸扈 駕艱到南漢山城底冰路險艱扶上之

際適逢中使問之荅云 大駕方向江都前行
已出城門乃還下跪候路左至日暮蓋 大駕
還入而未之知也達夜露處痰塞僅甦已而敵
騎充斥轉逞陽城與長子蓬萊君欲入江都及
至南陽遇邏騎僅脫仍避于順天地時誤報公
被陷 上聞而驚歎日以予故至此 下城之
日使之求於陣中其恩顧如此夫人東萊鄭氏
司徒僉正麟壽之女封東萊縣夫人後 贈郡

夫人生長法家素習壺則既歸于公益著柔淑
卒于乙亥壽六十八 命別致賻儀葬于廣州

先隴之側乙酉春哭長子素有宿患悲疚添疾
是年十一月二十一日卒于正寢距其生己巳
七十七歲訃 聞震悼輟朝二日賜吊祭 贈

顯祿大夫人皆以失善人爲歎王子大君賻遂
備至司饗宗親兩部吏輩莫不奔走悲跽丙戌
正月十八日官庀禮窆于廣州樂生里先隴面
乙之原公少時豪舉不羈及長志學不業于師
席而蚤通文義博涉書史見識超邁言論爽朗

好賢樂善如嗜慾然名聲彰徹爲一世所重不
事生事輕財喜施人有貧寒者則與之以田僮
而無所靳與弟妹析著自取其薄劣祖妣永嘉
夫人卽判書權纘之獨女家素饒財乃擇其美
好推與本孫權氏之門稱歎不已素尚朴素不
服華奢常戒子弟曰奢侈喪身之斧斤經學菽
身之根柢汝曹勉之待族戚出於誠接僚屬必
以禮撫下惟寬不以卑賤而慢之晚年與諸宗
修聯金契數宴集共惇親睦之義吉凶各有助
每於佳辰令節輒與一家子弟遊於西庄琴酒

取適不至於放嘗曰宗親當不交朝貴不口時
政公謙恭自守然而一代士流名人皆尊慕而
相訪焉西墅去城十里許其出寓也遇趨朝之
日則輒聞鷄而興詣闕門未闢矣卽僚竊歎
其勤謹男十一人長卽炯胤蓬萊君次炯信蓬
山都正以塊殿勞封君次炯佑蓬州守次炯
儼蓬昌守嫡出也夏溪君炯倫蓬城令炯仲蓬
豐令炯任蓬興令炯佐蓬川令炯佑蓬溪令炯
健蓬江令炯伋女長適幼學李聖弼次適幼學
李良遇者庶出也內外孫曾玄行幾二百餘人

亦盛矣哉噫厚德如公才識如公當昏亂之世
斥奸賊樹大節如公者宜有易名之典謹次其
迹之最者以脩公議之採取云爾大匡輔國宗
祿大夫行領中樞府事李景奭撰

墓碣

有明朝鮮國昭德大夫龜川君兼五衛都

掄府都掄管

贈顯祿大夫墓碣銘

并序

恭僖大王第七子曰德陽君諱岐傳子諱宗麟
襲封豐山君以行誼稱於世寔公之先考也因
公扈從勲 贈顯祿妣縣夫人羅州朴氏加

贈郡夫人廣州牧使諱諫之女錦城府院君諱
墉之孫隆慶己巳生公公諱晬字明遠生而俊
邁頭角嶄然人知其為遠器十五例通籍授龜
川副正壬辰隨父母避寇慷慨謂兄龜城曰弟
爲親故倉卒未扈 駕願兄任家事弟當西行
乃挺身赴之奉 命詣分朝卽拜宣傳官異數
也甲午丁內憂執制以禮亂後璿錄散亡甲辰
命選宗英爲 郎釐正之公實與焉訖陞秩以獎
辛亥丁外憂癸丑服除加正義封君例也甲寅
以扈從勞又加一資乙卯兼司饗院提調時賊

臣爾瞻逢迎光海意誣殺大君及國舅幽閉

母后禍將不測公痛之丁巳約宗宰錦山君誠

胤等抗疏先論爾瞻傾危宗社比之莽賊光

海問誰指喉公對愈勁直且曰若拿問當盡所

懷於是三司爭請鞫問將置重典而以王室近

屬得編配于順天辛酉始放還公久處瘴海秦

然以詩酒自娛前後守宰皆敬遇之雖閭巷小

民無不歎服焉爾瞻必欲構殺以子元燁爲順

天將誣以得人心羅織大獄而未及售癸亥反

正首復公官封特加二資兼司饗院提調又幹

宗親府恪勤供職卽吏畏服初公望見賊迨於
班行謂迨必不善終及迨反甲子隨 駕公州
復語人曰迨象凶不久必就誅戮後果然人服
其先見 駕還又進一級每私覲 上親執爵
稱以屬不名丁卯扈隨於江都勤勞備至 回
鑾之後寵錫加隆特賜御厩乘黃兼五衛都掄
府都掄管丙子又扈行到南漢城路逢中官聞
上移向江都前驅已出還下城待候路左 上
不果移翌曉賊騎已迫竟不得入城中有誤傳
公被執者 上驚歎下城日爲問於賊將其寵

愛如此公年旣耆耄而屢經喪亂且連有私戚
氣力日敗乙酉十一月二十一日考終于正寢
上震悼輟朝命賜吊祭贈顯祿大夫人皆嗟惜
曰善人亾矣下至吏胥莫不齋咨涕洟奔走哭
奠焉越明年正月十八日禮窆于廣州樂生里
負辛之原從先兆也公少豪放不拘繩墨長而
好學孜孜不懈好賢樂善如嗜芻豢觀其立朝
行事能爲人之所不能爲所謂雖其質美而學
力之不可誣者信矣嘗聞貴戚同休戚不可執
一論公徒以忠憤其無權力何一封危言差強

人意雖不能明正其罪昭揭彝倫而使奸賊落其角距終不能肆其凶謀者是誰之力哉宜其嗜舊累朝砥柱一世時君敬之輿情洽然生榮死哀固無憾於終始矣公配郡夫人鄭氏東萊名閼司徒寺僉正諱麟壽之女生于隆慶戊辰距卒之年爲六十八葬先壠與公同塋公男十一人女二人男曰炯胤蓬萊君曰炯信蓬山都正曰炯佶蓬洲守曰炯儼蓬昌守嫡出也曰夏溪君炯倫曰蓬城令炯仲曰蓬豐令炯任曰蓬興令炯佐曰蓬川令炯佑曰蓬溪令炯健曰蓬

江令炯伋女適幼學李聖弼李良遇庶出也蓬
萊君四男二女曰至 穆陵叅奉曰庠文科歷
翰苑春坊爲養今監恩山縣曰璽曰哉生負女
適進士金炫文次適幼學尹世長蓬山都正六
男曰璽曰塏餘男及四女皆幼蓬洲守男曰堅
蓬昌守男曰璽女適宣傳官李道彬夏溪二男
曰培武科縣監曰坵蓬城三男二女蓬豐二男
一女蓬興三男蓬溪一男皆幼銘曰

天潢愆慶式生賢哲豐山節行以基家業公遂
胚胎將多前烈委身於學早炳倫紀誰生厲階

莽賊亮恣如水沃石劉向忠貞五載瘴鄉惟薦
葵誠三扈 邠駕益著賢勞輿望 上眷德邵
年高死生榮辱可觀顛末盍起敬歟有穹其石
崇政大夫判中樞府事金集撰

墓誌

昭德大夫龜川君兼五衛都總府都總管
贈顯祿大夫諡忠肅公墓誌銘

昔在天啓丁卯夏吾先子坐斥起被重譴却掃
城南居門無車馬跡一日有顯者來先子倒屣
出迎懽然笑語移日而罷目送而顧謂左右曰

是乃光海時抗大疏謫順天之龜川君也宣舉
於是竊覲公容儀整肅謹議忠正逡逡然長德
佳公子也旣而與公之孫庠子重甫爲同年司
馬交臂而遊於洛下愈益誦公之風義後數十
年子重甫以公之行迹投示宣舉曰余祖墓門
之碣則慎獨齋金先生銘之矣幽堂之誌迄今
未遑將欲 而 之子有奕世之好盍爲之相
斯事也宣舉謝不敢子重甫申以舊誼要責之
固辭不獲遂謹就金先生之文而按之公諱晬
字明遠 恭僖大王之曾孫德陽君諱岐之孫

豐山君諱宗麟之子也豐山以行誼稱於宗英
中公亦丰資偉器卓犖有大節少而豪舉不拘
繩墨長則委已於學好賢樂善如嗜欲然年十
五授龜川副正二十四而壬辰倭亂作奉父母
避兵災中謂兄龜城都正曰倉卒未及從君
爲親故也今兄當獨任家事乃辭二親間走西
入行在宣廟嘉之命詣分朝拜宣傳官宗
戚之叙外班盖特恩也甲午丁內憂克致其哀
甲辰受命修正璿源錄訖賞加一資辛亥遭
外艱執制如前喪除例加正義封君甲寅以

扈 聖從勲又加一資 贈及考妣乙卯兼司

養院提調丁巳上章論奸臣爾瞻罪時光海政亂
斃絕倫紀幾亾宗國皆瞻等愆患之也公常慨
憤扼腕謂錦山君誠胤等曰吾屬宗戚國亾與
亾等死寧死於國事遂共決意處置家事出居
外舍手構䟽草親友見之曰䟽語太峻恐赤公
族曰不爲則已爲之則寧可怖禍而不盡言乎
公庶母執袂奪筆涕泣止之而公終不撓倡諸
宗十九人詣 闕抗䟽而公爲之首極陳權亮
擅弄之實痛斥舉朝黨惡之狀一時瞻聽聳動

中外人爭傳寫而誦慕之光海盛怒謂公受人
之嗾公獨對政院辭益剴切且請就吏悉暴未
盡之懷於是兩司交章請拿至擬以逆律有曰
金傍男之死某與錦山共在廷列相視泣下又
曰歲交問安時某與錦山共謂諸宗曰吾等盍
往問安於 慈殿乎羣凶必欲甘心於公而光
海初命付處中道終乃遠竄編配于極南居久
之中瘴毒疾幾殆時有 西宮投書之變瞻等
斥公與錦山人益危之辛酉放還瞻以其子元
燁圖守于順府欲將以蜚語羅織而公一不為

動癸亥 仁祖反正卽復公秩特加二資以褒
之兼帶司饗院提調宗親府有司堂上之任甲
子隨 駕公州還都後進階從一品錫宴于禁
中 上用家人禮親自執爵不名而屬稱公曰
宗班之事專委於族長丁卯從 上于江都回
鑾之日特賜內厩馬兼五衛都總府都總管親
府重修之役也公實主之旣訖 上特賜一等
樂遣中官宣內醢以落其成蓋嘉公之勤也丙
子追扈于南漢聞 上將移向江都候于路左
及聞 上不果移賊騎已傳于城不得已與子

蓬萊君欲入江都遇賊于中路脫身南下人有

誤認公陷賊以聞於上者上於下城之日

爲問于賊將其終始寵眷之隆如此乙酉哭長

子悲疾疾革以是冬十一月二十一日卒于正

寢去生年已巳享壽七十七訃聞上震悼輟

朝賜祭贈顯祿大夫翌年正月禮葬于廣州

樂生里先兆下負辛之原公生長貴价之家不

待師承之力而能博經史尚言論雖不踐於跡

而亦自盡其惇行喜施貧交友不惜田民與弟

妹折箸自取其薄劣者外王母家饒財而無男

乃推其產之義者還其本孫此皆人之所難能者也常戒子弟曰奢侈喪身之斧斤經學發身之根柢晚年與諸宗共修聯金契數集而敦叙之每遇令節父子兄弟樂遊郊園琴酒自適曰宗親之道不宜交結朝貴臧否時政也所等西墅去城十里趨朝之日必聞鷄而作及門之未闢卽僚僮隸竊歎其勤謹久長內饗廉恪自守府胥之徒咸知畏服公喪之日奔走悲號焉其謫南荒也金吾卽閔公以忠被逐爲緩行李公夷然曰嚴譴之下不敢遲回卽日就道有詩

曰爲國丹心白日明孤臣一死等毛輕封章直

欲扶 宗社肯恨今朝瘴海行到配構一草堂

扁以望北自爲文以記之嘗作歌詞辭意激烈

一出於愛君憂國士女至今傳誦李芝峰晬光

康公復誠前後知府皆極敬重而禮遇焉蓋公

之內外行備立意較然持身持官不減古人朝

中賢士大夫莫不尊而慕之不但爲抗章斥奸

之一節而已今 上朝太常請所以易其名者

臨亂不屈曰忠執德不回曰肅人知論撰之稱

德也公妣朴氏錦原縣夫人 贈郡夫人國舅

錦城府院君壩之孫廣州牧使諫之女公配鄭氏東萊縣夫人 贈郡夫人司導寺僉正麟壽

之女習於婦教宜其女治生先公一歲得年六十八葬與公同塋 子炯胤蓬萊君炯信蓬

山君炯佶蓬洲守炯儼蓬昌守側室子夏溪君炯倫蓬城令炯仲蓬豐令炯任蓬興令炯佐蓬川令炯佑蓬溪令炯健蓬江守炯伋女長適某郡李聖弼次適某郡李良遇蓬萊四男曰至縣監曰垕曰塋並文科薦翰苑出入臺端以直道聞垕爲養方任洪陽縣塋坐言事廢黜曰哉

進士直陵二女適佐郎金炫文文科幼學尹

世長蓬山六男曰塾曰奎曰塾並進士曰塾曰

堂曰陞四女適進士尹尚冕幼學徐宗翰金斗

瑞柳綰側室一男埏蓬洲男曰堅蓬昌男曰塋

女適兵使李道彬夏溪男曰培武科縣監曰坵

蓬城五男曰堡曰座餘幼二女適金尚炯金滌

蓬豐二男曰塚曰垞女適河淳蓬興三男曰重

曰堅餘幼蓬溪二男曰堦曰壁五女皆幼銘曰

恭惟我公貴戚名卿心在王室望隆維城際胤

挺身辭親捍王朱虛忠勇李臯功章彼昏罔

念敦倫幽國浮于帝受罪由臣惡謀同少師諫
切更生離騷不怨琴操自傷 慶會中興榮褒

峻秩爲周伯父總堯九族忠貞一節至老彌勤
天被爾祿子孫振振大耋令終一等加禮福善
之道此可明晰吾師特書顯樹風聲小子是述
敢篆幽銘崇禎丙午正月二十五日坡平尹宣
舉謹撰

忠肅公遺稿附錄終

古人之有年譜尚矣所以記述言行以示來世者也吾先祖抗疏昏朝貶謫于炎海之陬其忠貞節義國史載焉時人誦之而居家行事亦後裔之不可不知也庠伊時稚昧不能省徃在孝宗朝猥添史官承命考實錄於赤裳山於光海日記中蓋知其所未知者潛不自揆裒聚爲編請於白軒李相國撰述謚狀有太常賜謚之典噫先祖行蹟在人耳目有不可誣者而逐年具載纖悉無遺者莫年譜若也從侄箕疇輯錄平日言行兼摭如干遺稿合爲一卷使我

畧記顛末將欲請序跋於先生長老庶乃泫然
涕洟曰爾之志固勤矣若余孱孫不能繼述祖
業隳損家聲則是豈非子孫之羞哉昔我先祖
之在貶也嘗構一草亭名以望北作記以寓戀
君之意而記文之失于今四十餘年矣庶從弟
堡亦以無妄之訐編配于順天偶得之於官家
懸板中蓋其時府使康公復誠欽慕節義刻此
文挂諸壁北亭歲久亭圯之後邑人移揭於公
廨壁楣間費了幾許光陰而竟遺之子孫添附
於遺稿中其亦異矣崇禎戊申二月日不肖孫

庠謹識

忠肅公遺稿跋

孟子論貴戚之卿其義固與異姓殊矣然自王子比干刳心于殷而我箕子亦以佯狂爲奴受辱而不辭蓋以當時權力有所不及於行權故卒迺隱忍而就此此誠聖賢隨時之義而至於屈平之於楚劉向之於漢俱際昏亂懷忠力諫其所以惻怛縶繯愛主存國不能自己者亦可謂善發其義矣龜川忠肅公少有令質長而好學推爲宗英會光海時賊臣爾瞻竊弄國柄愆

患主惡將謀廢大妃公遂與宗室諸公上疏極
論爾瞻奸回擅恣必致危亡之狀仍請屏黜以
安宗廟蓋其疏辭雖不敢畧舉其未彰之跡
而其意實在於遏絕禍萌扶植人紀公遂以此
重被竄配困于炎陬而夷然未嘗有怨悔色也
嗚呼殷襄聖賢之事尚矣觀公所樹立其悖亂
淪喪奚啻楚漢之世而忠誠奮發一死自靖要
以不負貴戚之卿之義者其於三閭中壘倘或
無所愧焉爾嗚呼其亦可謂盛矣公役若干年
白軒李相國狀其行慎齋金先生表其墓所以

揭公本末者詳且約矣迺者公之曾孫箕疇授
余遺文譜狀並一編申以諸父司諫公之命曰
先祖所著逸於兵燹今存者無幾顧不忍於咳
唾之餘訃欲壽梓以傳後嗣則願有述也余謝
不敢既而其請益堅而辭益懇至若不可以終
拒者遂稍論得平日所衡於心者以附卷尾時
崇禎戊申二月潘南朴世采書



